

Iepa, irakurle! Hauxe duzu zure txokoa, inguruko deialdien berri emateko edo zeure iritzia eta kezak plazaratzeko. Deitu 943 300 222 telefonora edo bidali mezua 943 300 255 faxera edo **barkatu_ama@egunkaria.com** posta elektronikora. **Animatu!**

Internet en irristatzen

irristatzen@egunkaria.com
→ jabi zabala

Sarea behatoki

Oihartzun handia izan du egunotan sarean prestatutako eta ka-
lean gauzatutako mobilizazioak. Inoizko handiena leku askotan,
mundu mailan inoiz prestatutako lehenengo mobilizazio globala
izan zen iragan larunbatekoa. Jakinaren gainean geunden sare-
ak mundu osoko jendeak leku batean elkartzeko duen indarrak,
Seattle, Genoa eta Porto Alegre kasu. Baina ez aldi berean eta
munduko bazter guztietan lortzeko aha-
mena zuenik. Arrakasta horren eragile
izan da, neurri handian, Indymedia komu-
nikabide global-lokal horizontal eta irekia.
Haren euskal adarrean, beste guztietan
bezala, gurean izan diren manifestazio-
en informazio piloa dago.

Komunikabide *glokalak* dira gero eta
gehiago sarekoak, munduko zein tokian

tokiko informazioak biltzen di-
tuztenak. Lehengoan
Vilaweb-eko Vicent Partalek
hala definitu zuen berea Ar-
gia aldizkariari emandako el-
karrizketan. *Weblog* eta

egunkari pertsonalen hedapenak aurre-
ra jarraitu bitartean, gero eta internau-
ta gehiago dira editore, irakurle ezezik.

Sarea behatoki egokia da telebistak eta ohiko egunkariak iz-
kutatzen dizkiguten informazioak edo ikuspuntuak kalera jaitsi
gabe ere, etxean bertan jasotzeko. Baina batzuetan kalera ere
irtetea beharrezkoa da. Zorritarrez edo zorionez, manifestazio-
ak egiten ohituta gaude, Sustatun internauta batek *manilandia*
deitu duen herrialde honetan, arrazoiak ez dira falta izaten.

Prestige-k gurean ere eragin duen hondamendi ekologikoaren
kasuan, kalera barik kostaldeko labarretara jotzea ezinbeste-
koa da, bertatik bertara ikusita, haren neurriaz jabetzeko.

Gerraren aurkako manifestazioekin
ez bezala, gure inguruko hedabideetan
nahiko oharkabean ari dira igarotzen
ekologistek, marea beltza dela eta, Eus-
ko Jaurilaritza eginiko kritikak. Admi-
nistrazioak haitzetako fuela jasotzeko
ez egitasmorik ez eta asmorik ere ez
duela adierazi dute hainbat naturzale
eta surflari taldek aldi berean euskal



kostaldearen hainbat
lekutan eginiko ekintza
bateratuarekin.

Zapatak belztu gabe
egoera zein den zuze-
nean ezagutu nahi
duenak sarera jotzea
dauka alternatiba mo-
duan. Iragan igandean

egindako salaketa-garriketa ekintzaren gaineko informazioa, ar-
gazkiak eta 15 minutuko bideoa daude ikusgai gorliz.org webgu-
nean.

Eta behatokiak amaitzeko, asteon aurkeztu dute jendaurre-
an behatokia.info webgunea. Euskal Herriko Giza Eskubideen Be-
hatokiak duen txokoa presoei eta atxilotuei eginiko tratu txar
eta tortura kasuen informazioa biltzen da. Hau ez da nahastu
behar behatokia.org webgunearekin, Kontseiluak sustatuta,
euskaldunon hizkuntza eskubideen defentsa eta erasoan sala-
keta egiten duen fundazioarekin alegia. Halaber, ez dugu naha-
stu behar gurean kultura digitalaren bilakaeraz jarduten duen be-
hatokia.net webgunearekin.

Argi dago euskaldunok badugula zer behatu sarean, ezinbes-
teko tresna bilakatu zaigula guri ere. Baina gogoratu: kalea ere
hor dago, mundua ez baitago soilik pantailen barruan.

Helbideak:

■ basque.indymedia.org ■ www.vilaweb.com ■
■ www.gorliz.org/prestige ■ www.behatokia.info ■

Lehiaketak

Komikiak / Elgoibar. Elgoibarko Ko-

koe komiki taldeak urtero antola-
tzen ditu komikigintzaren inguruko
hainbat ekitaldi, tartean lehiaketa.
Eta aurten ere sariketarako deialdia
egin du. Komikiak 4 orrialdeko luze-
ra izan beharko du, 18x24 formatu-
koa edo proportzionala izan behar
du, eta, halaber, zuri-beltze-
koa. Lanak euskaraz edo gaztelaniaz
igorri ahal dira, betiere irailaren
26a baino lehen. Hiru sari nagusi ba-
natuko dira; hurrenez hurren, 500
euro, 300 euro eta 200 eurokoak.
Halaber, saritua ez den euskarazko
lan bati 120 euroko akzesit saria
emango diote. Informazio gehiago-
rako: www.kokoe.org.

Logotipoak / Bera. Berako Kultura

Batzordeak bere irudi korportati-
boa landu nahi du, eta horretarako
logotipoa behar du. Aukeratzeko,
lehiaketa bat antolatzea pentsatu
du. Bertan, nahi duen orok parte
hartu ahal du, baina egitasmoaren
helburua kontuan hartu beharko du:
Berako Kultur Batzordearen asmo
eta lanak irudikatu behar ditu. Lanak
aurkezteko epea martxoaren
10ean amaituko da. Saria, berri-
z, bakarria izango da, eta 500 eurokoa
izango da. Lehiaketaren xehetasu-
nak jakiteko: 948-63.12.22 edo berakultura@telefonica.net.

Logotipoak. Topagune euskara elkar-

teen federazioak, bere haur eta gaz-
te sailerako, izena eta logotipoa be-
har ditu. Ideia biltzeko asmoz, lehia-
keta antolatu dute. Logotipoak eta
proposamenak hilaren 28ra arte
igorri ahal dira. Lehiaketaren baldin-

tzen berri jakiteko: 94-621.51.16
edo topagunea@gazteak.com.

Antzerkia / Bilbo. Bilboko Udalak ant-

zerki ikasleentzako lehiaketa bat ja-
rri du abian. Bertan parte hartzeko
aukera izango dute antzerki eskolek,
ikastetxeetako antzerki taldeek, as-
tialdirako elkarteek eta abar. Aur-
kezten diren lanak obren moldake-
tak edo sormen lana izan daitezke,
eta euskara edo gaztelaniazkoak
izan daitezke. Lehiaketa bi mailatan
egingo dute; batetik, 9 eta 11 urteko
gazteak; eta, bestetik, 12 eta 16 ur-
te artekoak. Antzezlan guztiei buruz-
ko txostenak apirilaren 14an baino
lehen aurkeztu beharko dira. Sariak
hainbat izango dira. Antzezlan one-
nekin jaialdi bat antolatuko dute,
Arriaga Antzokian, eta, horrez gain,
bost sari nagusi emango dituzte lan
onenentzat. Informazioa eskatzeko,
94-416.08.00 telefonora dei daite-
ke.

Ganorabako komikiak / Basauri. Gaia

librea da, baina pertsonaia guztiek
jatorrizkoak eta argitaratu gabeak
izan behar dute, autoreak berak sor-
tutakoak. Lan bakoitzak A-4 neurri-
ko lau orri izan behar ditu gehienez.
Lanak koloreetakoak ala zuri-beltze-
koak izan daitezke, eta euskarazko-
ak ala gaztelaniazkoak. Komikiak kul-
tur etxean aurkeztu behar dira mar-
txoaren 31 baino lehen.

Literatur lehiaketa / Bortzirriak. Bor-

tzirietako Bai Euskal Herriari talde-
ak Herriak eta Hizkuntzak literatur
lehiaketa antolatu du. Bertan, ha-
masei urtetik gorako pertsona guz-
tiek har dezakete parte, eta genero
guztietako lanak onartzen dituzte.

LIBURU GOMENDIOA

Rakel Guridiren tik

Bertsolaria



Jack el rojo

Askoren artean ■ Ultramar

Aurkeztu nahi dizuedan liburu
hau ez da, egia esan, *best seller*
famatu horietako bat, ez du az-
kenaldian ahoz aho eta medio

guztietan promozioan dabilen
idazle batek sinatzen.

Astebarruko gaueroko ordu
erdiko saioetarako proposa,
egunean zehar batutako neke-
ak eskatzen duen une freska-
garri eta atsegina asetzeko adi-
nakoa. Harlan Ellison, Ellery
Queen, Ramsey Campell eta
Robert Bloch (beste batzuen
arte) aipatu, eta nobela bel-
tza, zientzia fikzioa eta terro-
rea datozkigu burura. Bai, egia
da. Odola dario liburu honi, he-
zea, beroa, gozoa...

Jack Destripatzailea (Hara-
kina, Gorria bezala ere ezagu-
na) izan da idazle hauek guz-
tiak elkartzearen arrazoia.
1888an egin zituen ekintza
odoltsuek hiltzailerik misterio-
tsu eta beldurgarriena bilakatu

zuten. Londres hiriko lanbro
eta iluntasunean gorderik da-
go bere nortasunaren miste-
rioia. 9 ipuin laburrek lagundu-
ko digute Jack Gorria hobeto
ezagutzen, baina... kontu izan,
gertu oso gertu, uste baino ger-
tuago izan baitaiteke Jack be-
rria... Zu bezain gertu...

Beldurrezko istorioak izuga-
rri gustatzen zaizkit, zirrara
hori... Ikaratuta zaude, baina
aurrera jarraitu nahi duzu.
Film bat ikusten duzunean
bezala. Begiak eskuekin tapa-
tu, eta behatzetan sortzen
diren zirrikituetatik begira.
Gozamena dela esan al daite-
ke? Behar bat asetzea al da?
Beldur izateko beharra...
Baina beharrezkoa al da bel-
dur izatea?

Hala, bertsopaperak, olerkiak, ipui-
nak, saiakerak... aurkeztu ahal dira.
Lanen luzera ez da mugatuko, eta
parte-hartzaile bakoitzak lan bat bai-
no gehiago aurkez dezake. Lanak
aurkezteko epea 2003. urteko mar-
txoaren 29an bukatuko da. Xeheta-
sun gehiago: 948-634125 edo bortzirriak@euskalnet.net.

Erakusketak

Argazkiak / Usurbil. Usurbilgo herriko

argazkiak argazkiak Aitzaga Taber-
nan daude ikusgai, otsailaren 21a bi-
tartean.

Munduko emakumeak / Bilbo. Maria

Angeles Ortizek *Mujeres del mundo*
izeneko erakusketa ipini du Sarea
kulturgunean. Gaur izango da era-
kusketa ikusteko azken eguna.

'Paisaia horizontalak' / Tolosa. Txoko-
larte kolektiboak *Paisaia horizonta-
lak* izeneko proiektuarekin aurrera
jarraitzen du. Hala, makina zapal-
tzaile batekin, lurreko irudiak jaso-
tzen ditu, eta, gero, erakusketa ba-
tean ipintzen. Oraingo honetan, To-
losan egin dute lana. Erakusketa
Aranburu jauregian dago ikusgai,
otsailaren 22ra arte.

Antzerkia

'Tentenpie' / Bergara. Bergarako

gaztetxeak hilero antzerki emanaldi
bat antolatu ohi du, eta egitarau ho-
rren barruan bihar emanaldia izan-
go da bertan. Latirili taldeak *Tenten-
pie* antzezlanaren erakutsiko du,
22:30etik aurrera.



'Metxa' / Donostia. Koldo Izagirrerren
testuan oinarrituta, Eneko Olasa-